


ձախից «սր Յէկոփ», «սր Սիմոն». ներքեւը «սր Փիլիպոս», «սր Թումաս»:

Հորիզոնական թեւերից վերեւ եւ ներքեւ չորս անկիւններում մի մի խաչ:

Երկրորդ երեսին՝ Յիսուս նստած է բարձրաթիկունք աթոռի վերայ. «Յս. Քս.» գրուած դիւի կողքերից: Աջով խաչակնքում

Կաղմի անկիւններում աւետարանիչների նշանակները:

Մենք փոքր ինչ աւելի կանգ առանք այս նկարագրութեան վերայ, որովհետեւ քիչ են մեր մանր արուեստի, յատկապէս, ոսկերչական արուեստի մնացորդները, շարունակ կողոպուտի ենթարկուած լինելով:



Պատկ. 11.— Երուս. No. 1956, 171ա., 1265 թուի

է, ձախ ծնկանը աւետարան բռնած, Ամենակալի կամ Պանտոկրատորի սովորական ձևակերպութիւն: Չորս կիսարոլորակից կազմուած՝ Ամենակալի շրջանակի վերայ գրքուած է. «Կոստանդին Կաթող:ի ի յի/շատուկ իւրոյ ի թուին 29. կազմեցաւ սր աւետարանս ծ/ախաւք Ստեփանոսի դրան եպիսկ.»

Հնագոյնները ԺԳ. դարից հին չեն: ԺԳ. եւ ԺԴ. դարից ունինք միայն մասանց երկու պահարաններ եւ աւետարանի երեք կազմեր: Պահարաններից մէկն Կոստանդին Բ.ի Սկեւոյի պահարանն է,* միւսը Պոռչեանների

*Ալիշան. Սիսուան 107: